

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

Quæstio I. De Prudentia, ac virtutibus annexis.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Q V A E S T I O I.

De Prudentia, ac virtutibus annexis, vitijsque oppositis.

S. Thomas 2. 2. q. 47. usque ad 56.

Bsolutetur hec quæstio quatuor dubitationibus. I. De prudentia secundum se; quid sit, in quo subiecto; quod obiectum, & quos actus habeat. II. De divisione prudentiae; eiusque partibus, integralibus, subiectiis, & potentialibus; itemque de domino consilij adjunctio. III. Quonam modo Prudentia ad ceteras virtutes se habeat. IV. De preceptis Prudentiae; ac vitijs eidem oppositis.

D V B I V M I.

De Prudentia secundum se; quid sit, in quo subiecto, quodnam obiectum, & quos actus habeat.

Sanctus Thomas 2. 2. quæst. 47. aa. 16.

Proponemus hac de re prius doctrinam S. Thomæ, secundum seriem articulorum; claritatis tamen causa in certa quæsta distributam, deinde aliquot notationibus additis eandem doctrinam illustrabimus.

Primo igitur queritur, in qua potentia, & qualis in genere virtus sit prudentia. De hac re ita breueriter & ordine docet S. Thomas citat. quæst. 47. a. 1. 2. 3. 4. 5.

I. Prudentiam, qua inter ceteras eius functiones futura ex præteritis & praesentibus indicamus, quæq; ab Augustino lib. 8. q. 32. dicitur, Cognitio rerum appetendarum & fugendarum, esse in intellectu.

II. Cum Prudentia iuxta Aristotelem 6. Ethic. cap. 5. sit recta ratio agibilium, esse in ratione practica, non speculativa. Quorum utrumque ex se patet.

III. Prudentiam, iuxta Aristotelem, non esse uniuersalium solum, sed operare etiam singularia cognoscere; adeo ut necesse sit prudentia & cognoscere uniuersalia principia rationis, & singularia, circa quæ sunt operationes. Ratio est; quia prudentia est verum dicere in particulari: quid nimurum hic & nunc agendum sit, secundum rectam rationem.

IV. Prudentiam iuxta Gregorium 2. moral. cap. 36. esse virtutem etiam moralem, & simpliciter dictam, non tantum secundum quid, ut sunt ceteræ virtutes intellectuales, quâdoquidem intellectum perficit in ordine ad appetitum rectum.

V. Prudentiam esse virtutem specialem, iuxta Sapientiam 8. v. 7. vbi cæteris virtutibus Cardinalibus annumeratur: Sobrietatem & prudentiam docet, & institutam, & virtutem; quibus utilius nihil est in vita hominibus. Idem patet ex eiusdem speciale obiecto, & honestate propria.

Secundo queritur, quonam sit officium, quique actus sint prudentia. Ad hoc responderet Sanctus Thomas citat, quæst. 47. artic. 6. 7. 8. & 9. in modum sequentem. Nimurum I. Ad

Prudentiam non pertinere, præstituere finem, virtutibus moralibus, sed solum disponere de his, quæ sunt ad finem, iuxta Aristotelem 6. Ethic. cap. 11. assertent, quod virtus moralis intentionem finis facit rectam: Prudentia autem, quæ ad hanc: ita tamen ut finis non pertineat ad virtutes morales, tanquam ipsa præstituant finem; sed quod tendant in finem à ratione naturali præstitutum; ad quod invitant per prudentiam, quæ eis viam parat, disponendo ea, quæ sunt ad finem. Unde relinquitur, inquit S. Thomas cit. q. 47. a. 6. ad 3. quod prudentia sit nobilior virtutibus moralibus, & moueat eas: sed præterea modic: i prudentiam: sicut intellectus principiorum scientiam.

VI. Cum medium, quod à virtute mortali attingitur, non constituitur, nisi per rectam dispositionem eorum, quæ sunt ad finem, quæ dispositio prudentiae propria est; idcirco medijs usus in virtutibus moralibus invenzione ad prudentiam pertinet, iuxta Aristotelem 2. Ethic. c. 6. vbi virtutem definit. Habitum electuum in mediocritate existens determinata ratione quoad nos, prout sapiens determinabit; vel ut habet alia versio; habitum electuum, in mediocritate quantum ad nos consonantem: quæ quidem mediocritas ratione præfinita sit, atq; ita ut prudens præfiniat. Recta autem ratio intelligitur, secundum Prudentiam, ut dicitur 6. Ethic. c. 5. & vlt. Ita S. Thomas a. 7.

VII. Estis consiliari & iudicare de intentis; sunt itidem actus rationis practicæ, præcipere tamē esse proprium actum Prudentia, iuxta Aristotelem 6. Ethic. cap. 10. vbi dicit, Prudentiam præceptivam esse. Quo sit ut iuxta eundem 6. Ethic. cap. 5. imprudentior sit, qui volens peccat, quasdeficiens in principali actu prudentia, qui est præcipere, quam qui peccat nolens; cum tamen contrarium in arte accidat. Ita S. Thomas a. 8.

IV. a. 9. Sollicitudinem (quasi soleritatem) seu velocitatem propriæ ad prudentiam spectare; cuius præcipius actus est, circa agenda præcipere de præconsilia-

in eo indicatio. Vnde Aristoteles 6 Ethic. cap. 9. ait, Oportere quidem operari velociter consiliata; consiliari autem tarde. Et Augustinus lib. de mortibus Ecclesiæ cap. 14. ait, Prudentia esse excubium arque diligentissimam vigilantiam, ne subrepente punitum mala fuisse fallamur. Idem significatur 1. Petri 4. vers. 7. Estote prudentes, & vigilate in orationibus. Idem enim est vigilantia quod solicitude.

Tertio queritur, ad quam se extendat & quam late pateat Prudentia. Ad hoc Respondeat S. Thomas cit. q. 47. art. 10. 11. 12. sequentibus assertionibus. Nimirum I. a. 10. Cum ad prudentiam spectet, recte consiliari ac iudicare & ea pricipere, quæ ad debitum finem conducunt, idcirco eam non solum priuatum, sed etiam commune multitudinis bonum respicere, iuxta Matthei 24. vers. 46. Quis putas est fidelis seruum & prudens, quem constituit Dominus super familiam suam? Et 1. Corinth. 10. vers. 33. Non querens quod mihi utile est, sed quod multis, ut salvi fiant.

II. Cum proprium bonum vnius, & bonum familie vel domus, & bonum ciuitatis, ac regni, diuersi sint fines, aliam specie prudentiam esse illam, qua ordinatur ad bonum proprium; aliam Oeconomicam, qua ordinatur ad bonum commune domus vel familiae; aliam politican, qua ordinatur ad bonum commune ciuitatis, vel regni: sicut diuersa scientia sunt, politica, qua ordinatur ad bonum commune ciuitatis, Oeconomica, qua de ijs, qua pertinent ad bonum commune domus vel familiæ; & monastica, qua est de his, qua pertinent ad bonum vnius persona. Ita a. 12.

III. eod. a. 12. Prudentiam non solum esse in principe, ad modum artis architectonicae, iuxta Aristotelem 6. Ethic. cap. 8. sed etiam in subditis, ad modum artis ministerialis. Qua de causa idem Aristoteles ibidem docet, duas esse prudentias politica species; unam qua est legum positiva seu latuua, qua pertinet ad Principes; aliam, qua retinet commune non men politica, quæ est circa singularia.

Quarto queritur, quodnam sit subiectum remotum Prudentia; & quomodo acquiratur, vel amittatur. Respondeat S. Thomas a. 13. 14. 15. 16. in modum sequentem. Nimirum I. artic. 13. Prudentiam carnis in solis peccatoribus esse: at prudentiam veram, sed imperfectam in iustis & peccatoribus esse posse: prudentiam autem simpliciter perfectam non nisi in hominibus iustis, iuxta Aristotelem 6. Ethic. cap. 12. vbi dicit: Impossibile est prudentem esse, non existentem bonum. Quamuis enim peccatores possint esse bene consiliati ad aliquem finem malum, vel ad aliquid peculiare bonum; tamen ad bonum totius vita (nempe finem ultimum) non sunt bene consiliati perfette; quia consilium ad effectum non perducunt.

II. artic. 14. Prudentiam (infusam) esse in omnibus iustis, seu habentibus gratiam; quandoquidem omnes virtutes inter se & cum prudentia connexa sunt iuxta Gregorium 2. Moral. c. 33. & generalem doctrinam de virtutibus 1. 2. questione 65. articulo 1. quamvis prudentia acquisita, quæ causatur exercitio actuum, & indiget ad sui generationem experimento & tem-

pore, non posse esse in insenibus, nec secundum habendum, nec secundum actum, nimirum perfecta; iuxta Aristotelem 2. Ethic. 1. & lib. 6. cap. 8. & 3. Topic. cap. 2.

III. artic. 15. Prudentia virtutem, cum non circa fines, sed circa ea, quæ sunt ad finem versatur, non à natura nobis inesse, sed vel propria exercitatione acquiri, vel diuinatus infundi, ex dictis: et si Aristoteles 6. Ethic. c. 11. dicat, synecdoche essentiales, nempe saltem in radice ipsius rationis, ut diximus tom. 2. disputatio. 3. quest. 1. dub. 2.

IV. art. 16. Cum prudentia non in sola cognitione, sed etiam in appetitu (recto, quasi dispositiue) consitiat, non sola obliuione, sicut artes & scientias, sed multo magis virtus passionis tollit atque amittit; iuxta Aristotelem 6. Ethic. 5. vbi ait, Delectabile & triste peruertere estimationem prudentiae: & rursus ibidem; obliuionem esse artis, & non prudentiae; nempe directe ac per se; cum tamen obliuio impedit posse prudentiam, in quantum procedit ad pricipiendum ex aliqua cognitione, qua per obliuionem tolli potest. Hac tenus S. Thomas.

Vt vero hæc omnia, ac simul ipsa natura, obiectum, & actus prudentiae relictus intelligentur, hæc breuiter annotamus. I. Prudentia ab Aristotele 6. Ethic. c. 5. definita, Habitum vera cum ratione actuum, circa ea, quæ & bona, & mala homini sunt, nempe circa operationes humanas seu morales; quatenus hic & nunc secundum omnes circumstantias moraliter bona aut mala esse possunt; illas vbi & quatenus decet, amplectendas esse discernens; has fugiendas: quod nulli alteri virtuti conuenit. Breuius dici potest. Virtus intellectus recte ac in particulari de agendis ab homine, (nempe formaliter qua homo est, ratione ac libertate prædictus) iudicans.

Neque dubium est, prudentiam esse virtutem, non tantum secundum quid, sed simpliciter, iuxta Aristotelem loc. cit. & S. Thomam hic q. 47. artic. 4. & communem: quia tamen sit virtus intellectualis, non tamen perficit intellectum, nudo secundum se, sicut facit artes, aut scientias; sed in ordine ad voluntatem, quam mouet, & ad bonum honestum impellit. Quia de causa etiam inter virtutes morales numeratur, tanquam earumdem moderatrix ac magistra, ut diximus etiam tom. 2. disp. 3. questione 4. dub. 1. Quo vero modo rectum prudentie iudicium accidat, & unde eius rectitudo ac veritas sumatur diximus eod. tom. 2. disp. 2. q. 6. dub. 1. vbi explicauimus, quodnam sit recta ratio, prout est regula humanorum actuum: hæc enim ipsa recta ratio, seu iudicium, de rebus in particulari agendis, est actus prudentiae; quæ proinde etiam à nonnullis absolute definitur: Recta ratio agendorum. De quo plura tom. 2. disp. 3. q. 4. dub. 1. n. 13.

Notandum II. Obiectum proinde seu materia Prudentia sunt, tum ipsa media, quibus honestis cuiusque virtutis in particulari obtinetur, ut docet S. Thomas cit. a. 6. & 15. tum etiam finis ipsæ virtutis moralis, non quidem secundum se & absolute, secundus S. Thomam ibidem, de hoc enim nulla est consultatio; iudiciumq; hac dere ad syn-

resim spectat; sed prout materia certe applicatur: quandoquidem etiam consilium, qui est actus prudentiae, ut mox dicetur, non tantum circa media, sed etiam circa finem, ad materiam singularē contractum versatur; puta, circa hanc moderatam reflectionem, ut iuxta Aristotelem 6. Ethic. c. 12. & S. Thomam hic q. 47. a. 6. cum Vasquez disp. 47. c. 4. & q. 13. a. 3. dictum à nobis tom. 2. disp. 2. q. 3. dub. 5. quibus etiam post Scotum 3. dist. 3. q. vn. a. 2. contra Caetanum hic q. 47. art. 6. consentit Lessius hic lib. 1. cap. 1. dub. 3.

Notandum III. Quod ad actus prudentiae attinet, existimant quidem multi, actum eius elicitum vnicum & solum esse actum imperij, eumque distinctum à iudicio: quo nempe tam voluntati, quam ceteris potentij inferioribus & subordinatis à ratione efficaciter præcipiatur, quid agendum sit, aut non agendum: præter hunc vero actum imperij à prudentia elicitum, constituunt alios tres actus, prudentiae quasi inservientes & præuios, sed ad habitus à prudentia distinctos spectantes, quos vocant partes potentiales prudentiae. Primum dicunt esse, rectam consultationem, quam tribuunt Eubulie, de qua Aristoteles 6. Ethic. cap. 9. Secundum docent esse rectum iudicium, idque duplex; unum quod iuxta communes regulas & leges de rebus agendis fertur; & ab eis vocatur *Synesis*, de qua Aristoteles 6. Ethic. 10. Alterum, quod lege in casu particulari deficiente, fertur ex ipso ratione & æquitate naturali, quam vocant *Gnomen*, de qua Aristoteles 6. Ethic. 11. Ita Caetanus, & alij Thomistæ recentiores 1. 2. q. 57. a. 6. & hic q. 47. a. 8. & q. 51. tota; quos sequitur Valentia tom. 2. disp. 5. quest. 3. punct. 2. & tom. 3. disput. 4. q. 1. punct. 3. Evidenter sententia, præsertim quod attinet ad distinctionem trium illorum habituum à prudentia, est etiam S. Thomas loc. cit. & tribuitur Aristoteli locis cit. Et si Vasquez 1. 2. disp. 49. cap. 5. fuisse conatur ostendere, eam non esse Aristotelis sententiam.

15 Sed nobis, qui tom. 2. disput. 2. q. 3. dub. 5. actum imperij ex communi ceterorum Scholasticorum sententia aliter explicauimus, eumque cum S. Thoma electione posteriore fecimus, non autem electioni præuium, ne fateri necess sit, actum prudentiae elicitum, ad rectam electionem necessarium non esse, aliter hic philosophandum est; sicut iam antea fecimus tom. 2. disp. 3. q. 4. dub. 1. n. 13.

Dicendum igitur, tres esse actus prudentiae elicitos, ut etiam diximus cit. du. 1. n. 8. & ex communi docet Lessius l. 1. c. 1. du. 3. Primus est bona *consilatio*, quam Aristoteles cit. l. 6. Ethic. cap. 9. satis aperte indicat actum esse prudentiae, eumque eubuliam vocat, asserens esse *inquisitionem*, sine *enunciatione*, hoc est, ut ego interpretor, cognitionem illam, qua quid cuique ex inuentis medijs, seu diversis operandi modis, in ordine ad certum aliquem virtutis finem, boni vel mali, commodi vel incommodi insit, recte digneatur, sine ultimato & absoluto iudicio, quo unum medium simpliciter alteri præferendum decernatur.

Secundus actus prudentiae est *iudicium*, quo vel

secundum communes leges aut regulas, aut in casu particulari, deficiente communis lege, ex ipsa ratione & equalitate naturali iudicatur, quid ex medij seu vario operandi modo ad præsuppositum honestum finem obtainendum, seu medium virtutis in certa aliqua materia attingendum, adeo, quod bonam electionem faciendam, si optimum, ceterisq; præferendum.

Tertius actus est *imperium*, non prout ex nostra sententia est peculiare & efficax iudicii, quo mediante alio quodam actu voluntatis, qui usus dicitur, poteris executiis, post electionem voluntatis iam factam, intimatur executio electi medijs, seu modi operandi, accommodate ad finem alius virtutis, sed quo supposita intentione debitis in ac consultatione & iudicio de medijs seu materia particulari virtutis, efficaciter iudicatur, & intimatur facienda executio consultationis ac iudicij, per electionem; ita ut sit actus prior electione, non posterior, ut cit. q. 4. dub. 1. n. 13. fuisse diximus, ubi de ratione, functione, & actibus prudentiae plura.

An vero nihilominus, ut putat Vasquez citat, disp. 49. c. 5. alio quodam sensu, synesis & Gnomi, quibus additæ *synesis* & *Gnomi*, de quibus Aristoteles cit. 6. Ethic. c. 10. & 11. secundum veritatem & mentem Aristotelis, sint habitus, inter se, & à prudentia distincti dub. sequenti dicetur.

D V B I V M II.

De divisione Prudentiae, ac varijs eiusdem partibus; integralibus, subiectiis, & potentialibus; ac dono consili Prudentia adiuncto.

S. Thomas 2. 2. q. 48. 49. 50. 51. & 52.

Subjiciemus rursus primo breuiter hac de re doctrinam S. Thomæ. Deinde aliquot notiones velut Commentarij loco subiungemus.

Primo igitur querit S. Thomas q. 48. a. vn. quotuplices sint partes prudentiae; & responderet, scilicet viuensim triplex est alicuius totius pars; scilicet *integralis*; vt pars, testū, & fundamentum sunt partes domi⁹; *subiectiva*, sicut bos & leo sunt partes animalis; & *potentialis*, sicut nutritivum & sensitivum sunt partes animarum: ita etiam tribus modis assignari partes alicui virtuti. Vno modo ad similitudinem partium integralium, ut scilicet illa dicantur esse partes virtutis alicuius, quæ necessiter concurrere ad perfectum & dum virtutis illius. Partes autem subiectivæ virtutis dicuntur species eius diuersæ, quæ sub eodem virtutis genere continentur. Partes autem potentiales alicuius virtutis dicuntur, virtutes adiunctæ, quæ ordinantur ad aliquos secundarios actus vel materias affines principali virtuti; quasi non habentes totam potentiam (nec essentiam) principali virtutis. Atq; haec omnis varietas partium, ut ceteris quibusdam virtutibus, ita in primis etiam prudentiae conuenit, ut ex sequentibus patet.

Quæri-

Quæritur secundo, quot & quænam sint partes integræ prudentiæ. Respondebat S. Thomas quæstionem 48. a. vn. & quæst. 49. aa. 8. prudentiæ actum, ut perfectus omnibusque numeris absolutus sit, his oculo partibus opus habere, memoria, intelligentia, docilitate, solertia, ratione, prouidentia, circumspectione, & cautione; quæ partim recentent Aristoteles 6. Ethic. c. 9. 10. & 11. partim Cicero libro 1. in somniū Scipionis caput. 8. ex sententia Plotini; vbi sex partes prudentiæ attribuit. Indigit autem prudentia memoriam, ad variorum experimentorum seu evenituum recordationem; intelligentiam sive intellectum ad extreum alius principiū primi practici per se, noti rectam estimationem; docilitatem, ad capiendum ab alijs plurimatum rerum notitiam; soleritatem, ad rectam celeremque eius, quod conuenit, excogitationem, iuxta Aristotelem 1. Poster. sub finem, & Philosophum quandam græcum à S. Thomacitatum quæstionem. 48. a. vnic. & quæstionem 49. articulo 4. qui dicit, solertia esse habitum, qui prouenit ex repente, innueniens quod congruit.

Ratione vero, quæ homo est bene ratiocinatius, indigit prudentia, admaturam variarum rerum inter se collationem faciendam, eorumque connectionem & coherentiam perspicendam: Prudentia autem futurorum, ad rectam de futuris contingentibus, ad prudentiam in primis speficantibus, dispositionem & ordinacionem: circumfessione, ad omnium circumstantiarum, quæ vnumquidque negotium circumstant, acutam perlustrationem: & denique cautionem, ad malorum, presertim quæ bonorum speciem præferentia plerisque imponunt, solicitam diligenterque, visitationem.

Quæritur tertio, quænam sint prudentiæ partes subiectiæ. Respondebat S. Thomas quæst. 47. articulo 11. prudentiam primo aliam esse simpliciter talem, sive monasticam, quæ ordinatur ad bonum proprium; aliam quæ ordinatur ad bonum commune, sive multitudinis. Hanc vero secundum diuersas species multitudinis, rursus tres alias species subiecte continere, nimirum politicam, quæ ordinatur ad bonum commune ciuitatis vel regni, oeconomicam, quæ ordinatur ad bonum commune domi vel familie; & (vt addit S. Thomas q. 50. a. 4.) militare, quæ perspicit bonum commune exercitus. Politicam vero prudentiam S. Thomas q. 48. a. vn. & q. 51. a. 4. esse tres, nimirum Eubulianam, quæ est, inquit, circa consilium; & sine fini, quæ est circa iudicium eorum, quæ secundum communes regulas sunt; & gnomonem, quæ est, circa iudicium eorum, in quibus oportet quandoque communis lege recedere. Prudentia vero est circa principale actum, qui est præcipere. Quam doctrinam etiam dubio præcedenti ex S. Thomas retulimus.

Quæritur quarto, quæ & quot sint partes potentiales seu virtutes adiunctæ prudentiæ, habentes quidem scilicet cum ea magnam affinitatem ex parte obiecti, sed ab eadem tamen essentialiter distinctæ. Ad hoc respondebat S. Thomas cit. q. 48. a. vn. & q. 51. a. 4. esse tres, nimirum Eubulianam, quæ est, circa consilium; & sine fini, quæ est circa iudicium eorum, quæ secundum communes regulas sunt; & gnomonem, quæ est, circa iudicium eorum, in quibus oportet quandoque communis lege recedere. Prudentia vero est circa principale actum, qui est præcipere. Quam doctrinam etiam dubio præcedenti ex S. Thomas retulimus.

Rationem assignat cit. q. 51. a. 1. quia secundum differentiam actuum, sunt diversæ virtutes, maxime quando non est eadem ratio bonitatu in actibus. Si enim esset eadem ratio bonitatis in eis, tunc ad eandem virtutem pertinerent diversi actus: sicut ex eodem dependet bonitas amoris, desiderij, & gaudij; & ideo omnia ipsa pertinent ad eandem virtutem charitatis. Actus autem rationis ordinatus ad opus, sunt diversi, nec habent eandem rationem bonitatis; ex alio enim efficitur homo bene consiliarius, & bene iudicarius, & bene præceptarius. Quod patet ex hoc quod ista aliquando ab iniuicem separantur. Et ideo oportet aliam esse virtutem Eubulianam (similis est ratio ceterarum) per quam homo est bene consiliarius; & aliam, prudentiam, per quam homo est bene præceptarius. Et sicut consiliarii ordinatur ad precipere tanquam ad principalius, ita etiam Eubulians ordinatur ad prudentiam, tanquam ad principaliorem virtutem, sine qua nec virtus esset, sicut nec morales virtutes sine prudentia; nec ceteræ virtutes sine charitate. Ita S. Thomas.

Cæterum vt doctrina de divisione, & partibus prudentiæ sit plenior, atque etiam vt non nullæ difficultates, quæ circa relatum S. Thomæ doctrinæ occurruunt, explicentur, obseruandum est primo, Prudentiæ virtutem varie diuidi posse. Nam primo ex parte finis ac regulæ, & consequenter etiam ex parte cause efficientis, atque secundum suam intrinsecam entitatem, prudentia alia est naturalis & acquisita, alia infusa; sicut in genere de omnibus virtutibus moralibus dictum tom. 2. disputatio. 3. quæstionem 4. dub. 2. Prudentia naturalis, per se ac sua natura nititur regula mere naturali, solumque finem naturalem seu acquisitæ virtutis respicit: prudentia vero infusa per se & intrinseca nititur regula supernaturali, finemque supernaturalem respicit. Regula autem illa naturalis, est tum ipsa ratio naturalis, quæ suapte etiam vi veritates quædam & principia practica potest cognoscere, vt suo loco de gratia dictum quæstionem 3. dub. 1. tum habitus principiorum praticorum, qui vocatur syntesis.

Quem nonnulli quidem, in quibus Valentia tom. 2. disp. 4. q. 3. punct. 1. post Durandum & Sotum, putant, non esse re distinctum ab ipsa potentia intellectus. Alij vero eum re ipsa distinctum, sed intellectui tamen congenitum faciunt; in quibus Medina 1. 2. quæstio. 51. artic. 2. Alij denique rectius & ab intellectu realiter distinguunt, & nouiter primum ab homine acquiri afferunt; in quibus Caietanus ibidem, Ferrariensis libro 1. contra Gentiles cap. 78. & Buridanus 6. Ethic. q. 11. fauente S. Thoma cit. q. 51. art. 2. qui solum quoad inchoationem, habitum illumassebit esse naturalem, adeoque congenitum, vt fuis docui tom. 2. disputat. 3. quæstio. 1. dub. 2. Esto interim, Syntesis nonnunquam etiam pro ipsa vi naturali intellectus cognoscendi prima principia practica accipiatur.

Et quamvis hic habitus iuxta divisionem Aristotelis 6. Ethic. cap. 3. sub intellectu generati sumpto comprehendatur, non improbabile tamen est, habitum principiorum speculativorum, qui stricte & quasi appropriato nomine in-

22

23

24

- 25 tellectus dicitur, à synteresi seu habitu principiorum practicorum, propter maximam utrorumque diuersitatem, esse re distinctum. Et si Valentia loc. cit. aliud sentiat, vbi dicit: *Idem re habitus respetu utrorumq; principiorum esse putatur, vt etiam indicat S. Thomas 1.2.q.53.a.1.*
- Huc etiam tertio spectat ipse habitus scientiæ ethiciæ, quæ ex principijs practicis vniuersalibus particulares conclusiones de honestate aut malitia actuum humanorū deducit, & à prudentia sine dubitatione distinguitur, vt fusi s dictam tom. 2. disp. 3. q. 4. dub. 1.
- 26 Regula vero supernaturalis & infusa prudentiæ est, tum fides supernaturalis de veritatibus practicis, quæ se habet instar habitus principiorum; tum habitus Theologiæ supernaturalis, quæ respondet scientiæ ethiciæ, in ordine ad prudentiam infusam; tum alij habitus supernaturales cognoscitui practici, ex donis Spiritus sancti, versantes circa bonum supernaturale abstracte & in genere, vt est sapientia & scientia.
- Eodem spectat actualis inspiratio diuina, seu lumen actuæ diuinæ gratiæ, iuxta illud 1. Ioannis 2. vers. 27. *Vnctio eius docet vos de omnibus.*
- 27 Quamquam hæc proprie non tam sit regula prudentiæ infusa, prout virtus est, quam domini Spiritus Sancti, quod vocatur *Consilium*, habens quidem maximam affinitatem cum prudentia infusa, eo quod in particulari etiam circa res ex regula supernaturali agendas versatur; sed etenus tamen distinctum, quod formaliter pro regula haber peculiarem ductum ac motionem Spiritus Sancti, cui conformari postulat, vt videre est præcipue in quibusdam extraordinaarijs operibus Sanctorum. Prudentia vero infusa, inquantum virtus est, formaliter spectat conformitatem cum ratione supernaturali ordinaria, vt generatim tomo 2. disput. 3. quæstione 6. dub. 1. diximus vbi etiam docui, eundem actum virtutis posse diuersa ratione procedere, tum à dono, tum à virtute. Atque hæc etiam fere summa est quæstionis 52. vbi Sanctus Thomas de dono Consilij disputatione.
- 28 Iam vero secundo ulterius diuiditur prudentia vtraque, tam infusa, quam naturalis, iuxta doctrinam S. Thomæ superioris relatam n. 20. ex parte finis, seu obiecti, ac boni, in cuius procuratione versatur, in particularem seu personalem, quæ etiam *monastica* dicitur; & in procuratiuam alicuius boni communis. Illa per se ac formaliter procurat ac respicit priuatum officium, ac honestatem, adeoque bonum particulare ac proprium operantis; siue materialiter simul eadem actio in aliorum bono procurando versetur, siue non, vt recte notarunt Valentia hic q. 3. pun. 2. & Lessius lib. 1.c. 2. dub. 1.n. 7. Hæc formaliter respicit bonum multitudinis siue comunitatis. Quæ rursum partim mediate, partim immediate subdiuiditur in quatuor alias species eod. n. 20. relatæs, nimurum regnatiua, ciuilem siue politicam stricte acceptam, Oeconomicam, iuxta Aristotelem 6. Ethic. cap. 8. & Eustratium ibidem, & militarem. E quibussta-
- men sola prudentia particularis est simpliciter dicta prudentia & virtus, habentem scilicet simpliciter bonum reddens: cætera autem omnes tales solum sunt secundum quid, & cum addito, prudentia scilicet regnatiua, ciuili, Oeconomicæ, & militaris, iuxta S. Thom. q. 47. a. 11. In qua doctrina consentiunt communiter etiæ ceteri commentatores, speciatim Valentia & Lessius loc. cit.
- Dubitatur vero primo, quid per prudentiam politicam stricte acceptam intelligatur, an ea vide. licet spectet ad ciues priuatos; an potius tribuenda sit Magistratibus Principi subordinatis. Posterioris affirmat Lessius cit. cap. 2. dub. 2. & putat esse mentem Aristotelis 6. Ethic. cap. 8.
- Sed verius est quod docet Valentia loc. cit. spectare proprie ad ciues priuatos siue subiectos magistratibus, vt etiam diximus tom. 2. disp. 3. q. 4. dub. 1. n. 7.
- Quod etiam expresse docet S. Thomas q. 50. a. 2. in corp. vbi ait: *Cum subditi ita agantur cu alij per præceptu, ut tamen agant seipso per liberum arbitriu, id est requiritur in eis quædam rectitudine regiminis, per quem seipso dirigant in obediente principiantibus. Et ad hoc pertinet species prudentia, que politica vocatur. Idem habet resp. ad 1. 2. & 3. vbi dicit: Per prudentiam communiter dictam regit homo seipsum in ordine ad proprium bonum: per politicam autem in ordine ad bonum commune. Et q. 48. a. vn. ait: Et etiam multitudo uniuersitatis vel regni: cuius quidem directio est in principe regnativa; in subditi autem politica simpliciter dicta.*
- Ex quibus etiam sumitur ratio: nec dissentit Aristoteles loc. cit. Et confirmatur, quia Magistratibus subordinatis principi, quatenus etiam ipsi Rectores sunt comunitatis, potius conuenit prudentia regnativa, quam politica simpliciter dicta; et si non cum ea perfectione, qua ipsis supremis principiis.
- Dubitatur secundo, quid intelligatur per regnativa prudentiam. Respondeur cum S. Thoma q. 50. a. 1. ad 2. denominari quidem eam à regno siue Monarchia, tanquam optimâ regiminis forma: attamen sub ea comprehendit omnia regimina relata; nō autem peruersa, quæ virtuti prudentiæ opponuntur. An autem pro diuersa forma regiminis, varietur etiam species prudentiæ regnativa, incertum est. Affirmatiuam partem suadet diuersa admodum ratio & forma regendi: negatiuam autem unitas formalis ipsius boni communis Reipub. quod à diuersis formis regendi procuratur.
- Dubitatur tertio, an sicut pro comunitate, exercitus datur peculiaris species prudentiæ, nempe militaris, ita etiam pro comunitatibus alijs particularibus eiusdem Reipub. puta tribus diuersis Mercatorum, artificum, &c. peculiares prudentiæ species dentur. Respondeo, non esse parem rationem; quia comunitas exercitus per se ac necessario habet & requirit unitatem & coniunctionem sub uno capite, ac iisdem legibus: eiusq; regiminis ratio est admodum diuersa, à gubernatione reliquarum partium Reipub. Reliquarum autem comunitatum, partialium Reipub. alia est ratio: ita vt quamvis non nūquā quādam unitatem & subordinationem habeant, nihil tamen causæ sit, cur pro earundem diuersitate species

species prudentiae multiplicetur: nisi pro singulis etiā ciuitatibus & pagis eiusdem Regni sive ditio- nis diversae species prudentiae sint constituenda.

Dubitatur quarto; an sicut in ordine ad Rem- pub. datur duplex prudentia, nimurum regnatiua, & politica simpliciter ac stricte dicta; ita etiam in ordine ad bonum aliarum communitatutum puta domus, exercitus &c. detur duplex eiusmodi prudentia; regimur vna in cuiusq; eiusmodi cōmunitatis Rectoribus; altera subordinata, in subditis. Respondeo nihil videri obstat, quo minus affirmetur, ob paritatem rationis. Neque repugnat Aristoteles & S. Thomas, qui ex principali membra declaratione, idē constare voluerunt de alijs. Atque hæc ad secundam prudentiae divisionem pertinent.

Tertio vero non defundit, qui sentiunt, ipsam quoque prudentiam particularem nō esse unam specie virtutem, sed tot esse prudentias specie di- stinctas, quot sunt virtutes morales; in quib⁹ sunt Scotus in 3.d. 3.6. q. vn. Gabriele a. 1. not. 1. Ockā in 3.4.12. & quodl. 4.q. 6. a. 1. & Almain tract. 3. Mor. c. 7. quo sequitur Lessius cit. dub. 2.n. 6.

Sed verius est, eam esse unam specie insima vir- tudem, vt cum S. Thoma i. 2. q. 60. a. 1. & hic q. 47. a. 5. docent Duradus 3. dist. 3.6. Buridanus 6. Eth. q. 13. Caetanus 1.2. q. 60. a. 1. Valētia loc. cit. Vasquez 1.2. disp. 85. c. 2. & dicti tom. 2. d. 3. q. 4. du. 1. n. 7. Quæ est etiā sententia Aristotelis 6. Eth. c. 13. vbi ait: *Etenim cū prudentia qua est una, simul insinuerunt omnes, scilicet virtutes. Neq; vñquā vel Aristotleles, vel S. Thomas, pro multitudine virtutum moralium, prudentia species distinxit vel multipli- cavit. Ratio eiusdem sententia est.*

Tum quia unus ac idem est iudicandi modus de omnibus agibilibus particularibus, videlicet per consultationem, inueniendo mediocritatem in qualibet virtutis materia, & conuenientiam me- diorum ad finem eiusdem virtutis, & perfectam honestatem operantis. Tum quia medium ac ho- nestas unius virtutis prescribi non potest, nisi etiam cum respectu ad alias, ne forsan alterius con- cursu maioriq; necessitate alterius actus præ- diatur. Tum quia diversitas agibilium sub eadē formaliter ratione, in ordine ad habitum intelle- ctus, est solum materialis, non formalis; qua de causa etiam unus specie censetur habitus ethicae scientiae; cum tamen interim eadem diversitas, in ordine ad appetitum, habentem pro diversitate etiā nouam ac specialem difficultatem, sit formalis: ex qua etiam appetitus difficultate oritur fere illa, quæ in iudicio practico pruden- tiae est difficultas. Qua de causa etiam, fatendum est, fieri posse, vt quis habeat prudentiam acqui- sitam (alia ratio est infusa) circa vnam materiam virtutis, non circa alias; donec habitus pruden- tiae per nouos actus etiam ad hanc extendatur, vt recte etiam notauit Vasquez loc. cit. num. 11.

Obseruandum secundo, tametsi quidem ab o- mnibus communiter numerentur octo partes in- tegrantes prudentiam, & quidem à nonnullis in- hunc modum; memoria præteriorum, intelli- gentia præsentium, prouidentia fututorum, ra- tuo sū promptitudo ratiocinandi & vnum ex alio

colligendi, docilitas seu facilitas descendendi, soler- cia sive sagacitas bene coniectandi iuxta Aristote- lem lib. 6. Ethic. cap. 10. Quæ iuxta eundem lib. 2. Priorum, facilitas medijs seu argumenti in- ueniendi, denique circumspetio & cautio; qua- rum illa est consideratio circumstantiarum, ne qua in actione desideretur, hæc vero est cura vi- tandi incommoda: has tamen non dici partes in- tegrantes prudentiam, nisi improprie & per quam- dam similitudinem; quia videlicet sine his non constat perfectus usus prudentiae, vt ex S. Thoma dictum: cum tamen interim vñuerit nec sint habitus proprii dicti, nec etiam actus; sed ex parte solum naturales perfectiones intellectus: vt sunt ratio, docilitas, sagacitas: quin etiam aliqui sunt ipsius prudentiae actus, aut saltem quiddam in ijs inclufum, vt cautio, circumspetio, prouiden- tia, & intelligentia, spectantes ad rectam con- sultationem & iudicium, vt recte notauit Lessius hic cap. 2. dub. 1. n. 11.

Similiter obseruandum tertio, quod ad partes prudentia potentiales attinet, cum inter omnes quidem constet, eas itidem non nisi analogice & per quandam similitudinem, tam respectu pruden- tiae, quam ceterarum virtutum, tales dici; quia nimurum se habent velut potentiae ad animam, inseruentes quidem eidem, sed eius tamen vim & naturam adæquate non possidentes: contro- versum tamen est, an ille ipse quas S. Thomas re- censuit, nimurum Eubuliam, Synesis, & Gnomem sint reuera partes potentiales prudentiae; aut si nō sunt, an saltem aliae quædam dentur partes po- tentiales eiusdem. Et quidem Vasquez 1.2. disp. 49 c. 5. & Lessius hic lib. 1. cap. 2. dub. 3. in eo consentiunt, Eubuliam, Synesis & Gnomem, eo quidem modo, quo à S. Thoma explicari diximus, non esse habitus à prudentia distinctos, vt probat etiam Giraldus l. 6. q. 13. sed esse ipsam pruden- tiæ inadæquate consideratam, nempe vt se ad hanc, vel illam functionem extendit, seu quod id est, esse ipsos quosdam actus prudentiae, vt nos etiam docuimus tom. 2. disp. 3. q. 4. dub. 3. idq; de eubulia ex ipso Aristotele manifestum fecimus, præcipue ex l. 6. Eth. c. 7. vbi ait: *Prudentia maxime opus esse dicimus recte consultare.* Eadem est ratio Sy- nesis & gnomes; quandoquidem proptimum pru- dentiae est recte iudicare de agendis in particula- ri; iuxta eundem Aristotelem, l. 6. Eth. c. 9. idque sive ex communibus regulis & legibus, sive etiam non unquam, in particulari casu deficiente lege; ex ipsa ratione naturali, velut altiori principio: ita vt sicut Epikria se habet ad iustitiam, iuxta Ari- stotele l. 5. Eth. c. 10. ita gnoine ad prudentiam.

Ceterum an Aristoteles synesh & gnomen do- sens, quem S. Thomas explicauit, accepit; vel an alio quodam sensu, dici possint partes potentiales prudentiae, dissentient etati auctores. Negat Vasquez loc. cit. eas praedito sensu ab Aristotele explicatas sūisse, sed alio, non paulo diverso, quo etiā illæ virtutes à prudentia distinctæ dici possint; ita nimurū vt Synesis significet perspicaciā quādā ingenij in alio, qui de iudicio & factoprudētis be- ne iudicat, vt significat Aristoteles lib. 6. Ethic. c. 10. & exponunt Eustratius & Donatus Aciaiolus

33

34

35

ibidem

ibidem. Dicitur enim *avverā*; & *euōvērōs*, iuxta Aristotelem ibidem, qui altero aliquid dicente vel faciente, statim potest percipere, recte an secus dictum factumque sit: Gnomē vero non sit iudicium de agendis secundum rationem naturalem, ubi leges communes deficiunt; *hac enim potius est Epijkia*, inquit Vasquez loc. cit. sed *conſenſio quædam equi & boni viri ad ignoscendum aliquando*, nec secundum severitatem iuris iudicandum. *Bonum enim*, inquit Aristoteles 6. Ethic. c. 11. & *aquum virum ad ignoscendum procliviem esse dicimus*, & *veniam in aliquibus dare, bonum & aquum est: at venia sententia quædam est iudicativa recti & boni*. Dicitur igitur *Gnomē*, inquit Vasquez, *latine sententia*, non quasi *iudicium*, *quod nomine sententia seu opinionis significamus*, sed *quia sit ſenſus quidam conformis delinquerit ad ignoscendum*, quod latine *conſenſo dici potest*, græce autem *synonymo etiam vocatur*. Lessius vero cit. cap. 2. dub. 3. fatetur quidem, Synesin modo iam explicato ab Aristotele fuisse acceptam; sed nec tamen ab eo negariat eam explicationem, quam ex S. Thoma retulimus; si quidem ipsem Aristoteles lib. magnorum moralium cap. 35. expresse docet, Synesin esse prudentiæ partem: quamuis interdum esse possit in eo, qui non est prudens. Per Gnomē autem, inquit Lessius, idem intelligit Aristoteles quod D. Thomas. Nam l. 6. Ethic. c. 11. dicit, *Gnomē esse rectum iudicium æqui & boni*. *Æquum & bonum* (quod græcis dicitur *ǣneūs* est), quod cum sit contra verba legis, et si nō contra mentē legislatoris, iudicio prudentis definitur; vel ut Aristoteles l. 5. c. 10. definit, *est correctio legi, quænā deficit ob uniuersalē locutionem*: nec sanc Epijkia est actus vel habitus intellectus, vti dixerat Vasquez, sed voluntatis, vt omnes consentiunt. Nec tamen explicat Lessius, an Synesis saltem alio illo ſenſu, sit virtus à prudentia diſtincta. Eadem est diſtinctas de archinia, sive sagacitate, de qua Aristoteles cit. 6. Ethic cap. 11.

Mihi iuxta mentem Aristotelis, vtræq; tam Synesis, quam Gnomē, vtræq; modo & ſenſu recte videatur accipi; & priori quidem, non esse habitus ſeu virtutes à prudentiæ diſtinctas, adeoq; nec partes potentiales prudentiæ, ſed eadē eſſentialiter cum ipſa prudentia, à qua nō diſferunt, niſi velut quiddam incompletum à completo. Quia enim prudentia eſt, mouere efficaciter voluntatem & poterias executivas ad honestā actione, adeo ut ſi quādo, ſtante etiā diligenter inquisitione, & consultatione veroq; iudicio de honestate rei, contrarium tamē ab homine eligatur, prudentia nō dicatur eſte perfecta & abſoluta, vt pote präcipuo ſuo actu & effectu deſtituta; idcirco nec Eubulia, nec Synesis, nec Gnomē, Aristoteli, per ſe ac ſecundum ſe nude ſpectatæ, prudentia dicuntur; ſed ad prudentiam conſerre ac tendere. Quod iſpum videatur ſignificare, dū cit. 6. Eth. c. 11. ait, *eſſerationi consentaneū omnes hos habitus eadē pertinere*.

At vero posteriori ſenſu, nihil videtur obſtare, quominus Synesis virtus, aut certe vis quæda & facultas anime, à prudentia diſtincta exiſtimetur; quod tamē de Gnomē nō ita facile confeſſerim; cuī ipſius prudentiæ ſit, vti cæteris virtutibus, ita

etiam iuſtitia medium präſcribere, vt aliquando ſeu mifericordia, ſeu gratia temperetur.

Anchinia vero ſeu ſagacitas ſolum videtur eſſe naturalis quæda perfectio intellectus recte conieſtandi; quā tamen inter *ǣres ſeu habitus*, comuni notione, ita appellatos recenſet Aristoteles; qā eſt conſtantia quæda intellectus affectio ſeu habitudo.

Qua pinde ratione prudentia aut nullas prouſus habebit partes potentiales, aut noñi viuā, ſcilicet Synesin, ſenſu posteriori, ex Vasquez relato, explicatā: quanquā & hoc ipſo ſenſu, vt dictū, potius videatur naturalis perfectio mentis ad intelligentiū, quā virtus: aut ſi virtus & habitus eſt, non ſit habitus diſtinctus ab Ethica, cuius eſt iudicare, recte ne an male moraliter facta ſint ea, quae ab alijs fiunt.

D V B I V M III.

Quoniam modo prudentia ſeſe ad ceteras virtutes habeat.

S. Thomas 2. 2. q. 47. a. 6. 7. & 8.

D Vplex ordo & habitudo prudentiæ ad ceteras virtutes conſiderari potest; nature vna, altera dignitatis. Et quamuis S. Thomas ex inſtituto de neutra agat, facile tamē eſt eius mentē ex dictis colligere. Nam quod ad ordinē natura attinet, eſt quidē prudentia acquisita prior omnibus virtutibus moralibus acquisitis; vt etiā prudentia inſufsa prior eſt virtutibus moralibus inſufsis, quatenus vtræq; morales verſantur circa particulae aliquod agibile, ſeu fine ſuū a honeſtate propriam, applicatā particuliari materia; ſue hi actus quoad exercitium, ſue etiā quoad ſpecificationem ſpectentur: quandoquidē prudentia obiectum quāl formale in particuliari ſpectatū, ſeu mediū ſingulis virtutibus in particuliari p̄ficitur ac p̄finitur, iuxta S. Thomam hic q. 47. a. 7. attamen non eſt prior ipſa iſde virtutibus, vt abſtracte ac in comuni circa ſuos proprios fines ac propria honestatē verſantur, eosq; intendunt, ſaltem loquendo quoad ſpecificationem actus.

Hic enim affectus, quem ex comuni ſententia ſuppono elici per eundem virtutis habitum, ad quem pertinet electio medij in eadē materia (etsi Lessius loc. cit. n. 38. aliter ſentiat) in comuni ſufficienter regulatur ab ipſa Synteresi, quæ dictat v. g. Deum eſte colendum, Iuſtitiam, Fortitudinem, Temperantia, conſectandam. &c. quē affectum etiam, vna cum ſua illa regula Synteresi, ſupponit prudentia, velut principium ſeu fundamentum, vt recte notarunt Vasquez 1. 2. disp. 85. c. 2. n. 11. & Lessius lib. 1. cap. 1. dub. 3.

Qua de cauſa etiam S. Thomas hic q. 47. a. 6. ex mente Aristotelis ait prudentiam nō p̄fitture ſi nē virtutibus moralibus, hoc enim fieri per Synteresi: ſed ſolum diſponere de his, quæ ſunt ad finē, vt dictum dub. 1. Et Aristoteles l. 6. Ethic. c. 5. & 13. docet prudentia (ſaltē a toto genere, & in ſtatu perfeſto, ita vt in ipſo yſu non ſit impedita) pendere à virtutibus moralibus, eosq; adeo ſupponere, co modo, quo rectū iudiciū de agibili in particuliari, ſupponit rectū affectū iudicatiſ, circa idē agibile in comuni; quandoquidem pro varietate affectus facile ſolet variari iudicium de agibiliſ, idque facile.

facile in particulari ab unoquoque bonum ac prosequendum iudicatur; erga quod animus in communi bene affectus est; qualis enim quisq; est, tale ei & bonum videtur, iuxta Aristotelem libro 6. Ethic. cap. 4.

⁴¹ Quod si loquamur de exercitio eiusdem affectus erga finem virtutis, in particulari, & secundum omnes circumstantias spectato, negari non potest, id est prudentia dictamine regulari, quandoquidem non cuilibet, omni loco & tempore convenit, cuiusq; virtutis finem, propriamq; honestatem etiam in genere & abstracte spectata in tendere. Quo sensu vniuersi dici potest, prudentia actum aliquo modo natura esse priorē, quois honesto actu ceterarum virtutum moralium, nempe vel quoad specificationem simul & exercitium, vel saltem quoad exercitium.

⁴² Secundo autem de virtutibus Theologicis, quæ circa ipsum finem ultimum ac supremum versantur, prudentia ijs eorumq; actibus quoad specificationem (per se loquendo) prior non est, iuxta S. Thomam q. 4. art. 7. vbi virtutes Theologicas dicit esse priores moralibus in quibus est prudentia ex dictis dub. 1. Ratio est; quia ad spem quidem & charitatem, hac ratione, nempe quoad specificationem actus, sufficit fides; ad fidem autem ipsam, virtus quedam voluntatis à ceteris distincta, ut suo loco dictum disp. 1. q. 6. dub. 1. At vero quoad exercitium actus, nullum est dubium, ad eas plurimū conferre prudentiam infusa: quamquam habitus ipse prudentia infusa, comes individuius charitatis, à fidei ac spesi habitu per se non supponatur, sicut nec ipsa charitas, nec ceteræ virtutes morales infusa; nisi loquamur de fide ac spe, velut habentibus perfectum virtutis statum, ut dictum eadem disput. 1. quæstione 8. dub. 4.

⁴³ Quod vero ad ordinem dignitatis attinet, ex eo ipso, quod prudentia ceteras virtutes morales dirigit & mouet, non solum quoad exercitium, sed etiam quoad specificationem actus, recte colligit S. Thomas hic q. 47. a. 6. ad 3. prudentiam esse nobiliorē ceteris virtutibus moralibus; sicut Synteresis nobilior est prudentia, quam itidem mouet & dirigit, non fecus, quia intellectus principiorum scientiam, iuxta S. Thomam ibidem.

Ipsius autem virtutibus Theologicis, prudentia etiam infusa simpliciter & absolute loquendo inferior est. Quamuis enim hęc non unquam illas quoad exercitium actus dirigat, tamen quia virtutes Theologicae per se, ac quoad specificationem actus, à prudentia non dependent, ac simul etiam ex parte obiecti immediati prudentia plurimū antecellunt, idcirco simpliciter & absolute loquendo, præstantiores sunt prudentia, iuxta generale doctrinam, quam de natura & dignitate virtutum Theologicarum tradit S. Thomas 1. 2. q. 62. a. 2. & 3. & q. 66. a. 1. & 2. Quamuis secundum quid inferiores dici possint prudentia infusa, à qua saltem, quoad exercitium actus diriguntur.

⁴⁴ Quæres à quoniam habitu quoad exercitium diligenter fides & spes in homine peccatore, destituto habitu prudentiae infusa. Respondeo, remote ac velut per accidens dirigiri posse à prudentia ac-

quisita, si nimis actus fidei & spes solum spēcentur secundum communem quandam rationem, desumptam ex obiecto materiali, communem etiam actibus naturalibus eiusdem nominis & appellationis, circa idem obiectū versantibus. Deinde spes remote etiā dirigiri potest à fide, velut dicante generalia quedam recte operandi principia. Deniq; virtus utraque in operando particulatum dirigitur ab ipsis motionibus & illustrationibus actualibus Spiritus Sancti; quæ tamen hoc ipso, quod ab extrinseco sunt, nec constanter per modum actus primi animæ insunt, hinc sit, ut virtutes illæ in peccatore minus perfectum & comple- tum operandi modum habeant.

D V B I V M I V.

De præceptis prudentia, ac virtuē eidem oppositis.

S. Thomas 2. 2. q. 53. 54. 55. & 56.

⁴⁵ Sic ut in ceteris virtutibus, ita etiam circa prudentiam, duplicitis generis præcepta occurunt, ut docet S. Thomas q. 56. a. 1. & 2. quædam affirmativa, quibus præcipitur actus & usus prudentiae; alia negativa, quibus prohibentur virtutia contraria.

Et quod ad præcepta affirmativa attinet, tria potissimum docet S. Thomas cit. q. 56. a. 2. I. In præceptis quidem decalogi nullū præceptū ad prudentiam pertinens, directe traditum aut tradendum fuisse, etiam si ad prudentiam omnia præcepta decalogi pertineant, secundum quod ipsa est directiva omnium virtutisorum actuum. Ratio est. Quia præcepta decalogi continent præcepta naturalia, quæ se habent in agendis, sicut principia naturaliter cognita in speculativis, qualia quidem sunt dictamina rationis naturalis circa ipsos fines particulares humanæ vitae, non autem dictamina de ijs, quæ sunt ad finem, circa quæ tamen sola versatur prudentia.

Nec obstat, quod prudentia est principalior & nobilior alijs virtutibus moralibus, adeoq; ipsa in istitia, ad quam tamen plura peccata decalogi pertinent. Licit enim prudentia sit simpliciter principalior virtus, alijs virtutibus moralibus, iustitia tamen principaliter respicit rationē debiti, quod requiritur ad præceptum. Et ideo principalia præcepta legis, quæ sunt præcepta decalogi, magis debuerunt ad iustitiam, quam ad prudentiam pertinere, iuxta S. Thomam ibidem ad 1.

⁴⁶ II. In alijs tamen documentis ac libris veteris testamenti, quæ ordinatur ad præcepta decalogi, velut ad finem, conuenienter tradita fuerunt quædam præcepta ad prudentiam spectantia, ut ita homines instruerentur etiam de actu prudentiae, qui est circa ea, quæ sunt ad finem, ut patet Proverb. 3. v. 5. Ne innitaris prudentiæ tuae. Et v. 7. Nefis sapientis apud temet ipsum. Et ibidem cap. 4. v. 5. Poside sapientiam poside prudentiam. Et v. 24. Oculi tui recta videant, & palpebra tua procedant gressus tuos. Dirige semitam pedibus tuis, & omnes via tua stabilitur. Quibus verbis prudentiae officium describitur.

III. Sed & in novo testamento recte & conuenienter datum fuit præceptum de prudentia.,

⁴⁸

vt constat Matthæi 10. v. 16. Esse ergo prudentes sicut serpentes, & simplices sicut columba. Et 1. Petri 4. v. 7. Esse prudentes, & vigilare in orationibus. Ratio est; quia doctrina Evangelica est doctrina perfectionis; & ideo necessaria fuit, vt in ipsa perfette instrueretur homo de omnibus, quæ pertinent ad rectitudinem vita, siue sint fines, siue sint ea, quæ sunt ad finem.

Quibus adde IV. Ipsa quidem lege etiam naturali præcipi actum & vsum prudentiæ, qua obligamur, vt omnia quæ agimus prudenter agamus; ita tamen vt præceptum prudentiæ, hoc ipso, quod intrinsece respicit aliquid in materijs aliarum virtutum agendum, non obliget nisi in ordine ad alia præcepta affirmatiua, de actibus aliarum virtutum, quæ præsupponunt præcepta affirmatiua prudentiæ circa eosdem actus, hoc ipso, quod prudenter utiq; illi fieri debent ex recta nimirum electione, præfinita per prudentiam, vt recte notauit Gregorius de Valentia hic quæst. 6. punct. vn.

Quod vero ad præcepta negatiua, adeoq; vitia prudentiæ opposita attinet S. Thomas initio questionis 53. supponens doctrinam Augustini lib. 4. contra Julianum c. 3. quod omnibus virtutibus non solum sunt vitia manifesta discretione contraria, sicut prudentia temeritas; verum etiam vicina quodammodo, nec veritate, sed quadam specie fallente similitudine, sicut ipsi prudentia non temeritas, vel impudenter, sed astuta; primo agit de vitiis, quæ manifeste, adeoq; per defectum prudentiæ opponuntur; deinde de ijs, quæ habent similitudinem quandam falsam cum prudentia, quæque adeo eidem opponuntur per excessum.

Prioris generis quatuor vitia recenset, nimirum præcipitatione siue temeritatè, inconsiderationem, inconstantiam, & negligentiæ; è quibus præcipitatio siue temeritas proprie opponitur ebuliæ siue consilio; inconsideratio, quæ est defectus cōsilij, Synesi & gnomi; inconstantia vero & negligentiæ principali actui prudentiæ, qui est imperium.

Et est præcipitatio, inordinata quedam festinatio in cōsiliando, qua quis debito gradu ordinè prætermisso, quales sunt memoria præteriorū, intelligentia in præsentibus, solertia in considerandis futuris eventibus, ratiocinatio conferens vñ alteri, & docilitas per quā aliquis acquiescit sententijs maiorū, intempestivo quodam impetu voluntatis, vel passionis fertur ad agendum. Quodsi præcipitatio ex contemptu regula dirigenitis accidat, peculiari nomine dici solet temeritas, iuxta S. Thomam q. 53. a. 3. ad 2. & Caietanum ibidē: qui ita etiā notat accipendas leges seu canones pœnam decernentes in facientes aliquid temere; licet Sylvester V. Temeritas, etiā hoc nomine comprehendit dicat eos, qui scienter, sub prætextu aliquo fraudulentio, exercent actum à iure prohibitum, iuxta Cap. Venerabilem, Extra, Qui filij legitimi.

Inconsideratio significat defectu recti iudicij, prout aliquis in recto iudicando deficit ex hoc, quod contemnit vel negligit attendere ea, ex quibus rectu iudicium procedit, ut ejuslibet cogitatio earum veritatum, ex quibus recte esse iudicandum, iuxta S. Thomam eadem, q. 54. a. 4. Ad quam spectant etiam incertitia, & in-

circumspectio, quæ opponuntur duabus partibus integralibus prudentiæ, iuxta eundem a. 2. queq; adeo specie inter se, vel ab inconsideratione non differunt, vt recte Valentia q. 5. punct. 1.

Inconstancia imperio opposita, est vitium, quo ratio deficit, in præcipiendo ed, quæ sunt recte cuncta & iudicata; quæ proinde etiam opponitur prudentiæ ratione sollicitudinis, quæ in imperando seu exequendo iudicio rationis potissimum cernitur, iuxta eundem S. Thomam q. 54. a. 1. & 2. quævis alioquin negligentiæ generatim etiā accipi solet, pro quacunq; omissione voluntaria actus debiti, vt ex Sylvester V. Negligentiæ docet Valentia.

Hæc vero peccata, etiā inter se specie differenti, atq; etiā in confessione distincte explicata sint, quædo p. sc. & directa intentione, quatenus prudentia opponuntur, sunt voluntaaria: tamen si, vt communiter fieri solet, solū indirecte sint voluntaria, nimis ratione operis ex prudentiæ dictamine recte peragendi, tum defectus illi nō sunt specialia peccata, sed quasi generales quædam conditiones peccatorū; quandoquid in omnibus peccatis, indirecte & per accidens peccatur etiā contra prudentiæ, vt ex S. Thoma q. 53. a. 2. in corpore & ad 3. & Caietano ibidem nota uit Valentia cit. q. 5. punct. 1.

Sunt autem peccata mortalia vel ex parte objecti & materiæ, si sint circa aliiquid ad salutem necessarium sub mortali; vel ex parte causæ, si committantur ex tali incuria seu neglectu salutis, vt quis nichil faciat Dei amicitiam, adeoque velut ex contemptu. Si autem negligentiæ consistat in prætermissione alicuius actus, vel circumstantiæ, quæ non sit de necessitate salutis, nec hoc fiat ex contemptu, sed ex aliquo defectu severoris, qui impeditur interdum per aliquod peccatum veniale, tunc negligentiæ non est peccatum mortale, sed veniale, vt docet S. Thoma q. 54. a. 3. & vniuersim de omnibus vitiis prudentiæ oppositis tradunt & sequuntur Sylvester V. negligentiæ &c. Valentia citat. q. 5. punct. 1.

Et quamquam hæc vitia etiam ex alijs vitijs oriuntur, puta avaritia, ambitione &c. quæ sâpe præcipitant ac peruerunt iudicium, mentemq; inconstantem reddunt; potissimum tamen oriuntur ex luxuria, quæ ab vehementiam delectationis, mentem magnopere obtenebrat, vt docet S. Thomas q. 53. a. 6. post Gregorium l. 3 n. moral. cap. 31. Peccata vero prudentiæ per excessum contraria, quæ proinde etiam falsam quandam prudentiæ speciem habent, à S. Thoma q. 55. numerantur sex; nimirum prudentia carnis, astutia, dolus, fraus, sollicitudo immoderata temporaliū, & sollicitudo immoderata futurorum. Prudentia carnis est vitium, quo quis bona carnis habet, ut ultimum finem sua vita, ad quem media, suasq; actiones referat, vt docet S. Thomas q. 55. a. 1. Generalius dicitur, solers machinatio rationis, accommodata ad consequendum prauum aliquem finem, conformen appetitiui carnali, vt recte dicit Valentia quæst. 5. punct. 2. Neq; vero hæc prudentia carnis differre videtur à stultitia, sapientia itidem opposita, de qua egimus disp. 2. q. 4. dub. 3. nisi forte vt inclusum ab includente.

Est vero peccatum mortale, si ultimus finis simpli-

simpliciter in creatura collocetur ut docet S. Thomas q. 55. a. 2. iuxta illud Apostoli Rom. 8. v. 6. Nam prudentia carnis mors est : prudentia autem spiritus, vita & pax : quoniam sapientia carnis inimica est Deo ; legi enim Dei non est subiecta : nec enim potest. Quæ autem sint opera carnis, recenset idem Apostolus Galat. 5. v. 19. vbi omnia vitia sub eo nomine comprehendunt, eo quod fere ex carnis corruptione nascantur. Non tamen est peccatum distinctum ab eo opere ad quod ordinatur, nisi sit per se voluntarium, iuxta Valentiam ibidem ex communis.

Astutia proprie est vitium, quo quis ad finem aliquem consequendū, seu bonum, seu malum, vtitur non veris vijs, sed simulatis & apparentibus; qua ratione differt à prudentia carnis, quæ spectat finem, qui non est vere bonus, sed apparenls. De qua astutia loquitur Apostolus 2. Cor. 4. v. 2. Abdicamus occulta deodoris, non ambulantes in astutia, neque adulterantes verbum Dei, iuxta S. Thomam q. 55. a. 3. post Aristotelem 6. Eth. c. 11. Sicut tamen prudentia abusive quandoque in malo accipitur, ita etiam astutia quandoque in bono, vt dicit Augustinus I. 4. contra Julianum cap. 3.

De eodem astutia virtus etiam Gregorius I. 10. Moral. c. 27. in illud Job. 12. Deridetur inisti simplicitas, ait: Sapientia huius mundi est, cor machinationibus teget, sensum verbis velare; quæ falsa sunt vera offendere, quæ vera sunt falsa demonstrare. Et. Hac prudentia usq; à iuuenibus scitur; à pueris prelio discitur. Non tamē (nisi per se formaliter, vt est contra prudentiam, intenta sit) est peccatum distinctū à peccato ipsius praui operis, ad quod ordinatur, inquit Valencia q. 5. punct. 2. Adde, vel à peccato ipsius operis, quo velut medio vtitur ad suum finem, puta mendacio, iniulfitia, &c.

Dolus est ipsa executio astutiae, ad circumueniendum ordinata; ad quam proinde etiam pertinet, iuxta Ephes. 4. v. 14. vt non circumferamur omni vento doctrinæ, in inequitate hominum, in astutia ad circumventionem erroris. Etsi vero dolus præcipue accident verbis, tamen etiam factis perficitur. Et sicut astutia nonnunquam accipiunt in bonam partem, ita etiam dolus, qui est astutiae executio, vt docet S. Thomas q. 55. art. 4. ex Apostolo 2. Cor. 12. Cum esset astutus, dolo vos cepi.

Fraus itidem consistit in executione astutiae. Differt tamen a dolo, quod hic pertinet vniuersaliter ad executionem astutiae, sive fiat per verba, sive per facta; frans autem magis proprie pertinet ad executionem astutiae, secundum quod fit per facta, vt docet S. Thomas q. 55. a. 5. Ex cuius proinde sententia, dolus & frans non sunt vitia distincta ab astutia; nec de eorum ratione & grauitate aliter iudicandum est, quam de astutia dictum : & constat, dolus & fraudem esse peccatum mortale, aut veniale, pro diuersitate materia, iuxta Caietanum, & Sylvestrum V. Fraus.

Sollicitudo temporalium, quæ prohibetur Matthaei 6. est immoderata curia rerum temporalium. Quæ quidem ex triplici capite potest esse illicita. 1. ex parte obiecti, de quo sollicitus sumus; si nimis temporalia tanquam finem queramus. 2. Propter superfluum studium, quod adhibetur ad

temporalia procuranda, etiam cum detimento & iactura spiritualium. 3. Ex parte superflui ac immoderati timoris; cum scilicet aliquis timet ne faciendo quod debet, necessaria deficiant.

Quam quidem timoris immoderationem Christus Matthæi 6. triplici ratione euertere satagit. 1. representatione majorum beneficiorum, quæ nobis nihil agentibus, vel curantibus diuinitus sunt collata, nempe ipsum corpus & anima. 2. representatione benignissimæ prouidentia Dei, qua Deus adeo liberaliter animalibus ac plantis subuenit. 3. reprehensione Gentilium, qui ignoratione diuinæ prouidentiæ, tali solicitudine distincentur. Et ideo concludit, quod principaliter nostra sollicitudo esse debet de spiritualibus bonis, sperando, quod etiam temporalia nobis prouenient ad necessitatem, sacerdormus quod debemus. Hæc S. Thomas quæst. 55. a. 6.

Sollicitudo futurorum, quam prohibet Christus Matthæi 6. v. 34. Nolite solliciti esse in crastinum, est immoderata curia sive sollicitudo futurorum. Ut si quis temporalia, in quibus dicitur præteritum & futurum, tanquam fines querat; vel si superflua querat, ultra presentis vitæ necessitatem; vel si tempus sollicitudinis preoccupet. Nam iuxta Eccles. 8. v. 6. Omnis negotio tempus est & opportunitas. Et c. 3. v. 1. Omnia tempus habent. Itaque unicus tempori competit propriæ sollicitudo: sicut tempori astutie competit sollicitudo metendi; tempori autem autumni competit sollicitudo vindemie. Si quis ergo tempore astutie de vindemia est sollicitus, superflue preoccuparet futuri temporis sollicitudinem; unde huiusmodi sollicitudinem tanquam superfluam, Dominus prohibet, Matthæi 6. dicens: Nolite solliciti esse in crastinum: Et subdit: Crastinus enim dies sollicitus erit sibi ipsi, id est suam propriam sollicitudinem habebit, que sufficiet ad animum affigendum. Et hoc est quod subdit. Sufficit diei malitia sua, id est afflictio sollicitudinis. Hæc Sanctus Thomas quæst. 55. art. 7.

Alioquin per se ac vniuersim sollicitudinem temporalium, ac etiam futurorum non esse illicitam, constat ex Proverb. 6. v. 6. Vnde ad formicam o piger, & considera vias eius, & disce sapientiam; quæ cum non habeat ducem, nec præceptorem, nec principem, parat in astute cibum sibi, & congregat in messe quod comedat. Itemque ex Augustino 1. 2. de serm. Domini in monte cap. 26. vbi ait: Cum viderimus aliquem serum Dei prouidere, ne ista necessaria sibi desint, non iudicemus eum de crastino sollicitum esse. Nam & ipse Dominus proper exemplum loculos habere dignatus est, Ioannis 12. Et in Actibus Apostolorum cap. 11. v. 18. scriptum est, ea quæ ad victum sunt necessaria procurata fuisse in futurum, propter iramnen tem famem. Non ergo Dominus improbat, si quis humano more ista procuret; sed si quis propter ista militet Deo.

Est autem vtraque sollicitudo peccatum mortale, aut veniale, pro ratione affectus praui, ex quo oriuntur; vel effectus, qui inde consequitur. Cum autem omnia hæc vitia, quæ per excessum prudentiæ opponuntur, etiam aliunde nasci possint, communiter tamen ac potissimum nascuntur ex avaritia, vt ex Gregorio 31. Moral. cap. 31. docet S. Thomas q. 55. a. 8.

62 His autem omnibus virtijs seu peccatis communne quiddam est vitium *Inprudentia*; quæ plures sub se species continet, idque tripliciter, ut docet S. Thomas quæst. 53. art. 2. 1. Per oppositionem ad diuersas partes subiectuas prudentia. Sicut enim distinguitur prudentia, in monasticam, quæ est regitua *Virtus*, & in alias species prudentia, quæ sunt multitudinis regitiae; ita etiam imprudentia. 2. secundum partes quasi potentiales (seu actus diuersos) prudentia, ut sunt recta consultatio, rectum iudicium, & imperium, de qua partitione prudentia superius loquitur sumus. 3. per oppositionem ad ea, quæ requirantur ad prudentiam, velut partes integrales eiusdem. Quia tamen partes illæ integrantes ordinantur ad dirigendos prædictos tres actus rationis; idcirco virtus illa integrantibus eiusmodi partibus opposita non distinguuntur ab explicatis hactenus, sed ad eadem reducuntur; sicut incertitia & circumflexio includuntur sub inconsideratione; defectus dolosus, & memoria, vel rationis, pertinet ad participationem. *Inprudentia vero, & defectus intelligentiae pertinet ad negligentiam & inconstantiam*, ut docet S. Thomas ibidem cit. q. 53. a. 2.

63 Vbi addit, licet imprudentia non sit vitium generale per essentiam, quasi de omnibus peccatis prædicetur, esse tamē generale virtū seu peccatum, per participationem. *Sicut enim prudentia participatur quodammodo in omnibus virtutibus, in quantum est directiva earum, ita & imprudentia in omnibus virtijs & peccatis: nullum enim peccatum potest accidere, nisi sit defectus in aliquo actu rationis dirigentis; quod pertinet ad imprudentiam.*

Verum et si quidem omnis peccans sit imprudens, siue per omissionem efficacis illius indicij, quo recte ac secundum virtutem re ipsa homo dirigitur; siue quia in actu exercito stulte creaturam aliquam diuinæ obedientie anteponit; & vero etiam moraliter loquendo, ante quoduis peccatum, præsertim quod ex passione committitur, præcedat in intellectu cum defectus aliquis considerationis, adeoque ignorantia seu inconsideratio aliqua; tum fere etiam, (principiue si loquar de peccatis commissionis, que efficacem quandam actum voluntatis erga rem illicitam inducunt) iudicium quoddam bonis moribus non consentaneum, adeoque contra prudentiam, practice erroneous, quo aliquid absolute iudicatur, et si diuinæ legi repugnat, hic & nunc esse operanti conueniens, ob dilectionem, utilitatem, & similem rationem temporale, dignumq; ac sufficiens, vt hic & nunc expetatur: tamen absolute ac vniuersim non necessario ante quodvis peccatum, præcedat in intellectu, aut error iudicij seu imperij, aut defectus inconsiderationis seu ignorantiae, vt cum multis alijs documento 2. disp. 4.q. 9.dub. 2. Idemque tradit Lefsius hic c. 2. n. 16. et si multi repugnant, ut ibid dictum, Neque vero peccata contra prudentiam sunt distincta ab ijs, quæ ex illis consequuntur, seu ad quæ illa ordinantur, nisi cum ipsa per se & directa intentione, quatenus formaliter prudentia aduersantur, sunt voluntaria, ut ex communis tradit Valentia hic q. 5. pun. 1. & superius etiam de peccatis per defectum prudentiae oppositis dictum,

Q V A E S T I O II.

De Fortitudine, ac virtutibus annexis, vitijsque oppositis.

S. Thomas 2. 2. q. 123. usque ad 140.

Equitur quidem post prudentiam, apud Sanctum Thomam, spectato dignitatis ordine, tractatio de iustitia ac virtutibus annexis; sed nos ob dictam initio huius disputationis causam, sine ullo incommodo, aut rerum tractandarum confusione, materiam de fortitudine, & temperantia, iustitia anteponimus; siquidem constat, tractationem illam de Fortitudine & Temperantia à tractatu iustitia prorsus independentem esse.

Absolutetur autem hec quæstio sex dubitationibus. I. De Fortitudine secundum se, ac dono fortitudinis adiuncto. II. De actibus fortitudinis, speciatim de Martyrio, velut precipuo actu fortitudinis. III. De preceptis fortitudinis, ac virtijs fortitudini oppositis; nimis timore, intimiditate, audacia. IV. De partibus fortitudinis in communis; ac speciatim de magnanimitate, velut prima virtute fortitudini adiuncta; ac virtijs eidem oppositis; nimis presumptione, ambitione, inani gloria, & pusillanimitate. V. De magnificencia, secunda virtute fortitudini annexa, ac virtijs eidem oppositis. VI. De tertia & quarta virtute fortitudini adiuncta, scilicet patientia, & perseverantia, ac virtijs oppositis.

DUBIVM